

# Sevel filmoù-berr faltazi e brezhoneg An dud a-vicher pedet er skolaj

## Skrivañ ha c'hoari an aktourien

### Klet BEYER

Abaoe dek vloaz bremañ eo Klet soner, komedian hag advouezhier evit filmoù, heuliadoù, telefilmoù, dielfilmoù ha tresadennoù-bev e brezhoneg kement hag e galleg. Stummet war ar skrivañ gant ar Groupe Ouest. Bet skolaer e skol Diwan Pariz. Setu ur paotr a vil vicher troet bras gant ar c'hrouiñ. Ha gant ar vugale vez ijin me lâz deoc'h, peadra d'ober filmoù souezhus a dra sur !!



### Aziliz BOURGES

Piket Aziliz gant ar skritur diboe pell, ha dreist-holl p'he deus komprenet e oa ar sevel istorioù ur skiant den kazi, ha resis-mat ouzhpenn ! Skrivet heuliadoù faltazi ganti, traoù farsus a-zivout Istor ar vro, ha pa vefe 'vit ar skinwel pe 'vit ar skingomz. Skrivet pennadoù ganti ba kazetennoù istorel hag ur romantig ivez. Heuliet he deus ur stummadur war ar skrivañ a-benn deskiñ sevel ur senario a-stroll, mod saoz-hag-amerikan ; ar pezh he deus broudet anezhi da genlabourat gant tud all war ar skrivañ (pezhoù-c'hoari, teatr ha radio). N'eo ket trawalc'h kaout traoù da gontiñ, dav eo goût peseurt mod kontiñ anezhe. Sed ar pezh he defe c'hoant lakaat ar skolajidi da gompren dre sikour anezhe da sevel o scenario dezhe diwar o ijin frouezhus.



## Filmañ ha frammañ

### Arno VANNIER

Paotr ar c'hamera eo Arno Vannier. Labouret en deus e TV Breizh e-pad 7 vloazh evel JRI (Journaliste Reporter d'Images) evit filmañ ha frammañ reportajoù evit ar c'heleier hag abadennoù e brezhoneg. Bremañ eo paotr ar c'hamera dizalc'h. Labourat a ra dreist holl evit Gwengolo Filmoù a brodu teulfilmoù pe c'hoarioù evit France 3 pe ar chadennoù lec'hel (Tebeo, TV Roazhon, TV Naoed pe Ty Tele). Kenlabourat a ra ivez gant Dizale evit detektiñ mouezhoù ar filmoù eilmouezhiet ganto. Er skolaj e vo Arno e-karg eus ar filmañ hag ar frammañ.

## Ar son

### Jean-Mari OLLIVIER

Ijinour son o labourat war danvezioù liesseurt ar son : advouezhiañ evit Dizale, filmoù evit France 3, levrioù CD evit TES ha kement raktres dedennus tro-dro dezhañ !